

O‘zbekiston Respublikasi Oliy va o‘rta maxsus ta’lim vazirligi
“Toshkent irrigatsiya va qishloq xo’jaligini mexanizatsiyalash muhandislari
instituti” Milliy tadqiqot universiteti

“Amaliy geometriya”

**70111202-Muhandislik grafikasi va dizayn nazariyasi Magistratura
yo’nalishi magistrantlari uchun**

Ma’ruzachi: t.f.d. professor Kuchkarova D.F.


14-mavzu. Aylanma va chiziqli sirtlarning o‘zaro kesishuv chizig‘ini yasashda ekstsentrif sferalar usuli.

- Reja:
- Ikkinchi tartibli aylanish sirtlari
- Aylanma ellipsoid sirt
- To’g’ri chiziqning aylanishidan hosil bo’lgan ikkinchi tartibli aylanish sirtlari

Ta’rif. Biror tekis yoki fazoviy chiziqning qo’zg’almas to’g’ri chiziq atrofida aylanishidan hosil bo’lgan sirt aylanish sirti deb ataladi.

Harakatlanuvchi chiziq sirtning *yasovchisi*, qo’zg’almas to’g’ri chiziq esa uning *aylanish o’qi* deyiladi. Yasovchi va aylanish o’qi aylanish sirtning aniqlovchilarini tashkil qiladi. 1–rasmda $m(m', m'')$ egri chiziqning $i(i', i'')$ aylanish o’qi atrofida aylanishidan hosil bo’lgan umumiylar ko’rinishdagi aylanish sirti tekis chizmada tasvirlangan. Yasovchi va aylanish o’qi ma’lum bo’lsa, aylanish sirti to’la berilgan hisoblanadi. Sirtning berilishini uning aniqlovchilari orqali Φ (m, i) ko’rinishida yozish mumkin.

Tekis chizmada aylanish sirti Φ' (m' , i') va Φ'' (m'' , i'') proeksiyalari bilan hamda aniqlovchilarning istalgan ikki proeksiyasi bilan berilgan. Aylanish jarayonida yasovchining hamma nuqtalari aylanalar bo'yicha harakat qilib, bu aylanalar *sirtning parallelari* deyiladi. Aylanish o'qidan o'tgan barcha tekisliklar *meridian tekisliklari*, ularning aylanish sirti bilan kesishish chiziqlari esa *sirtning meridianlari* deyiladi. Sirtning barcha meridianlari kongruent bo'ladilar. Frontal meridian tekisligi *bosh meridian tekisligi* hisoblanib, uning sirt bilan kesishish chizig'i *bosh meridian chizig'i yoki sirtning frontal ocherki* deb ataladi. 1-rasmda umumiyo ko'rinishdagi aylanish sirtning aylanish o'qi gorizontal proeksiyalar tekisligi N ga perpendikulyar joylashganligi uchun sirdagi parallelarning (n_1'' , n_2'' , n_3'' , ...) frontal proeksiyalari to'g'ri chiziq kesmasi ko'rinishida, gorizontal proeksiyalar esa haqiqiy kattalikda, ya'ni aylana ko'rinishida tasvirlanadi. Tekis chizmada $P(P_H)$ bosh va $P_1(P_{1H})$ oddiy meridian tekisliklari hosil qilgan meridian kesimlari ko'rsatilgan. Bosh meridian V ga parallel bo'lganligi uchun uning frontal proeksiyasi o'zining haqiqiy kattaligiga teng bo'ladi.



Boshqa sirtlar singari aylanish sirti ham cheksiz ko'p nuqtalar to'plamidan iboratdir. Bu nuqtalarni to'la to'kis chizmada tasvirlab bo'lmaydi. Shuning uchun ham **H** va **V** ga perpendikulyar qilib aylanish sirtiga urinma silindrlar o'tkaziladi. urinma silindrlarning **N** bilan kesishish chizig'i sirtning *gorizontal ocherki*, **V** bilan kesishish chizig'i esa uning *frontal ocherki* deyiladi. Aylanish sirtlari ko'pincha o'zining gorizontal va frontal ocherklari bilan tasvirlanadi. 1-rasmdagi aylanish sirtning frontal ocherki bosh meridian **m''** va **n₁''**, **n₄''** parallellari bilan, gorizontal ocherki **n₂'** va **n₃'** parallellari bilan tasvirlangan.

Gorizontal va frontal ocherklar sirt proeksiyalarining ko'rindigan va ko'rinxaydigan qismlarini aniqlashga ham yordam beradi.

Parallellar yordamida sirt ustida nuqtalarning proeksiyalari topiladi. Masalan, aylanish sirtiga tegishli **A₁** va **A₂** nuqtalarning frontal proeksiyalari **A₁''** va **A₂''** larning 1-rasm gorizontal proeksiyalari **A₁'** va **A₂''n_A** parallelning gorizontal proeksiyasi **n'_A** da aniqlangan.

- Ekvatorda yotuvchi B nuqtaning gorizontal B' proeksiyasi berilgan. Uning B'' frontal proeksiyasi ekvatorning n_3'' frontal proeksiyasida bo'ladi.
- Aylanish sirtlari mashinasozlikda va qurilish amaliyotida keng qo'llaniladi. Chunki, ko'pchilik mexanizmlar aylanma harakat qiladi va aylanish sirtlari esa stanokda osongina yasaladi.
- Sirtning eng katta paralleli uning *ekvatori* va eng kichik paralleli uning *bo'yini* deb ataladi.
- Loyihalanadigan mashina mexanizmlarining vazifasi, unga quyiladigan texnik talablar va shakliga qarab, aylanish sirtining yasovchisi tanlanadi.
- 2-rasm


Ikkinchi tartibli aylanish sirtlari

Ta’rif. Ikkinchi tartibli egri chiziqlarning o’z o’qlaridan biri atrofida aylanishidan hosil bo’lgan sirt *ikkinchi tartibli aylanish sirtlari* deviladi.

Ikkinchi tartibli aylanish sirtlaridan quyidagi larni ko’rib chiqamiz.

Sfera

Ta’rif. Aylananing o’z diametrlaridan biri atrofida aylanishidan hosil bo’lgan sirt *sfera* deb ataladi.



1-rasmda tasvirlangan sfera ustidagi **A** nuqtaning **A''** frontal va **B** nuqtaning **B'** gorizontal proeksiyalari berilgan. **A** nuqtaning **A₁'** va **A₂'** gorizontal proeksiyalarini yasash uchun u orqali **O_A**"1" radiusli parallel o'tkaziladi. **A** nuqtaning gorizontal proeksiyalari shu parallelning gorizontal proeksiyasida yotadi. **A** nuqta sferaning oldingi yoki orka yarmida joylashgan bo'lishi mumkin. Shuning uchun uning gorizontal proeksiyalari **A₁'** va **A₂'** nuqtalar parallelning gorizontal proeksiyasida topiladi. **B** nuqta sfera ekvatorida yotganligi uchun uning **B''** frontal proeksiyasi bir qiymatli bo'lib, u ekvatorning frontal proeksiyasida topiladi.

Markazi koordinatalar boshida bo'lgan sferaning kanonik tenglamasi quyidagi ko'rinishda yoziladi:

$$x^2 + u^2 + z^2 = R^2, R \neq 0$$



Markazi ixtiyoriy **A** (x_1, y_1, z_1) nuqtada bo'lgan sfera tenglamasi $(x - x_1)^2 + (y - y_1)^2 + (z - z_1)^2 = R^2$ bo'ladi.

Aylanma ellipsoid sirt

Ta’rif. Ellipsning o’z o’qlaridan biri atrofida aylanishidan hosil bo’lgan sirt aylanma ellipsoid deyiladi.

Bunda $m(m', m'')$ – ellips va $i(i', i'')$ aylanish o’qi y ellips o’qi bilan ustma-ust tushadi va sirt $\Phi(i, m)$ ko’rinishda yoziladi.

Ellipsning kichik o’qi atrofida aylanishidan *siqiq aylanma ellipsoid* (4-rasm), kata 4-rasm o’qi atrofida aylanishidan *cho’ziq aylanma ellipsoid* hosil bo’ladi (4-rasm). 4- va 5-rasmlarda ellipsoidlar ustida berilgan *A* va *B* nuqtalarning bitta proeksiyasi bo'yicha ularning etishmaydigan proeksiyalarini yasash ko'rsatilgan. Nuqtalarning etishmaydigan proeksiyalari parallel, meridian va proekzion bog'lanish chiziqlari yordamida aniqlangan.



4-rasm.

Markazi koordinatalar boshida bo'lgan va katta o'qi aylanish o'qi bo'lgan ellipsning aylanishidan hosil bo'lgan aylanish ellipsoidining kanonik tenglamasi quyidagi ko'rinishda yoziladi: $\frac{x^2}{a^2} + \frac{y^2}{c^2} = 1$. Bunda $c \neq A$ bo'ladi.

Er sharining shakli siqilgan ellipsoid – geoidni eslatadi.

Aylanma paraboloid sirt

Ta'rif. Parabolaning o'z o'qi atrofida aylanishidan hosil bo'lgan sirt aylanma paraboloid deyiladi.

6-rasmda $m(m', m'')$ parabolani $i(i', i'')$ o'qi atrofida aylanishidan hosil bo'lgan $\Phi(i, m)$ aylanma paraboloidning proeksiyalari berilgan va uning ustida nuqta tanlash ko'rsatilgan.

Uchi koordinatalar boshida bo'lgan va o'qi Oz bo'lgan aylanma paraboloidning kanonik tenglamasi quyidagi ko'rinishda yoziladi:

$$x^2 + y^2 = -2pz, \text{ bunda } p \neq 0.$$

5-rasm.

- Aylanma paraboloid parabolik oynalar sirti hisoblanib, projektorlar, parabolik antennalar va avtomobil faralari uchun ishlataladi. Bunda parabolaning fokal xossasiga asosan parabola fokusida o'rnatilgan nur manbaidan chiquvchi nurlar parabola sirtida sinib, o'zaro parallel bo'lib qaytadi (6,b-rasm). Parabolaning ushbu xossasiga nur yig'ish sirtlari, tovush ushlagichlar, radiolokatorlarni konstruktsiyalash ham asoslangan.

Aylanma giperboloid sirt




Ta'rif. Giperbolaning o'z mavhum yoki haqiqiy o'qi atrofida aylanishidan hosil bo'lgan sirt aylanma giperboloid deviladi.

Giperbolaning mavhum o'q atrofida aylanishidan *bir pallali aylanma giperboloid* hosil bo'ladi. 8.15-rasmda $i(i', i'')$ o'qi atrofida $m(m', m'')$ giperbolaning aylanishidan hosil bo'lgan bir pallali $\Phi(i, m)$ giperboloid va uning ustida nuqta tanlash ko'rsatilgan.

Markazi koordinatalar boshida bo'lgan bir pallali aylanma giperboloidning kanonik tenglamasi quyidagi ko'rinishda bo'ladi: $\frac{x^2}{a^2} - \frac{y^2}{c^2} = 1$. Bunda $c \neq A$ bo'ladi.




Giperbolaning o'z haqiqiy o'qi atrofida aylanishidan *ikki pallali aylanma giperboloid* hosil bo'ladi. Bu sirt qabariq tubi bilan bir-biriga qaratilgan qozonlarni eslatadi. Bunday sirt 8.16-rasmida tasvirlangan. $\Phi(i, m)$ ikki pallali giperboloid ustida A nuqtanining proeksiyalari ko'rsatilgan. Ikki pallali aylanma giperboloidning tenglamasi quyidagi ko'rinishda yoziladi: **6-rasm**

$$\frac{x^2 + y^2}{a^2} - \frac{z^2}{c^2} = -1. \text{ Bunda } c \neq A \text{ bo'ladi.}$$




To'g'ri chiziqning aylanishidan hosil bo'lgan ikkinchi tartibli aylanish sirtlari

- To'g'ri chiziqni biror to'g'ri chiziq atrofida aylanishidan ham 2-tartibli aylanish sirti hosil bo'lishi mumkin.
- 1. Aylanish o'qi $i(i, i')$ atrofida u bilan ayqash $a(a', a'')$ to'g'ri chiziqning aylanishi natijasida bir pallali aylanma giperboloid sirti $\Phi(i, a)$ hosil bo'ladi (9-rasm).



9-rasm

11-rasm



10-rasm

2. Yasovchi A to'g'ri chiziq aylanish o'qi i bilan kesishsa, ikkinchi tartibli aylanma konus sirti $\Phi(i, a)$ xosil bo'ladi (10-rasm).

Uchi koordinata boshida bo'lgan aylanma konus sirtining kanonik tenglamasi quyidagi ko'rinishda yoziladi:

$$\frac{x^2 + y^2}{a^2} - \frac{z^2}{c^2} = 0$$

3. $a(a', a'')$ yasovchi to'g'ri chiziq $\ell(\ell', \ell'')$ o'qqa parallel bo'lsa, ikkinchi tartibli aylanma silindr sirti $\Phi(l, a)$ hosil bo'ladi (12-rasm).

Bu silindrning tenglamasi $x^2 + y^2 = R^2$ bo'ladi. R miqdor A va i to'g'ri chiziqlar orasidagi masofadir.

Bir pallali giperboloid, konus, silindr sirtlari ham aylanish, ham chiziqli sirtlar turiga kiradi.

Chiziqli sirtlar

Biror to'g'ri chiziqning fazodagi egri chiziqlar bo'ylab xarakatidan chiziqli sirt hosil bo'ladi. Bunda fazoviy egri chiziqlarni yo'naltiruvchi deb haraktlanuvchi to'g'ri chiziqni yasovchi chiziq deb yuritiladi. Sirtni hosil qiluvchi yasovchi to'g'ri chiziq 3 ta fazoviy egri chiziqlardan ham o'tishi mumkin.

Adabiyotlar:

- Sh.K.Murodov, Amaliy geometriya, TDPU-2020
- Sh.K.Murodov va boshqalar, Chizma geometriya, T.:, “Iqtisod-moliya”,, 2006
- I.Rahmonov, A.Valiyev. Chizmachilik, “Voris-nashriyot” T.:,2011
- A.Valiyev. Chizmachilik (Geometrik chizmachilik) T.:, TDPU rizografi, 2013.
- M.Xalimov. Chizma geometriya va muhandislik grafikasi.:, “Voris-nashriyot”, 2013.